

were gut daß man sie in Lande nicht ließe/ denn sie erger denn
 die Wölffe/die ander beschädigen vnd sich selber fettigen/die a-
 ber beschädigen andere Leute vnd sich selber auch/darumb ihnen
 allen in keinem wege ihres Raths zu folgen/sondern ist vielmehr
 noch/mit höchsten fleisse/ den Allmechtigen Gott/den Herrn
 aller gnaden zubitten/das sein Allmacht/die Plag von vns ab-
 wende/vnnd der Obrigkeit die gnad vorleihe/den bösen einge-
 bungen nicht zu vorfolgen/Sondern das sie vns/wie ihre alten
 löblichen Vorfahren gethan/Weislich/Seliglich/vnnd Nützlich
 regieren/in zunemung an Tugenden/Ehren vnd Gute/vns
 auch mit guter Münk vorsehen/vnnd sein friede erhalten/
 damit die Berckwerck vnd der Handel freien fůrgang haben/
 sie sampt vns endlich mögen reich vnnd selig wer-
 den / das es geschehe/sprecht

AMEN

Apologia vnnd Verantwortung / des / was wieder das Büchlein der gemeinen Stimmen/in Druck aus- gangen.

Es ist vor einem Jahre/ein Büchlein ausgan-
 gen/ darinne sein Vhrsachen angezeigt / vnnd bewert/
 warumb dem Hause vnnd Fürstenthume zu Sachsen/
 ehrlicher vnd zutreglicher sey/die alte gute Münke zubehalten/
 daß geringere anzunemen/dawieder ist jeko aller erst ein Druck
 hervor bracht/darin sich der Tichter vnterstehet / die vornemb-
 lichsten